

उघड़ी आंखोंक स्वीण

(कविताँ)



नवीन जोशी 'नवे'दु'

स्वत्वाधिकार :
नवीन जोशी 'नवेदु'

© नवीन जोशी 'नवेदु'
पहला संस्करण 2013

प्रकाशक :
जगदम्बा कम्प्यूटर्स एण्ड ग्राफिक्स
5/71, नियर एन.सी.सी. वटाटर्स, हल्द्वानी
दूरभाष-9997186561

मूल्य : 250 रुपए मात्र

Ughadi Aankhok Sween
By:
Navin Joshi 'Navendu'
Contact: 9412037779
Email: saharanavinjoshi@gmail.com

समर्पण



इज स्व. श्रीमती हेमलता जोशी, इष्ट-मितुरों, स्वर-बिरादरों, कळबै-कसिकै संपर्क में आई और कुमाउनी बेलि-भूष दगै प्यार करणी सबै लोगों-पाठकों के सादर समर्पित

-नवीन जोशी 'नवेदु'

आमुख

एक जन्म में चंद राज वंशक राजभूष और भारतीय संविधानक अठूं अनुसूचि में शामिल हुणैकि तै आपण मजबूत दाव ठोकण हुं तैयार कुमाउनी भूष में म्यर पैल काव्य संकलन 'उघड़ी आंखोक स्वीण' आपूं हातों में छू। इकें आपूं हातों में सौपण में म्यर हिय में कतू खुशि, कस कुलबुलाट हुणौ, मै बतै न सकनयूं। पर, यो साफ कर दिण चानूं, कि मिं ववे तुल कवि, लेखार न्हैत्यूं, और मै आपणि कवितान कै पुर तौर पारि आपण लै न समझनूं। किलैकि मै माननूं कि असल में हम्र लेख, कवित्त इकलै हम्र न हुन, बल्कि हम्र पुर समाज, परिवेश, प्रदेश, देशक, हम्र इष्ट-मितुरों, स्वार-बिरादरों और कल्लै-कसिकै संपर्क में आई सबै लोगोक लै हुनी। किलैकि हमिं जि लै लेखनूं, उ हम्र भितेर बै उं। म्यर कवित्त लै यसीकै पैद हई छन। समाज में हुंणी कएक घटना मिकें भितेर बै लेखण हुं घजबजूनी और मिं आपुंके रोकि न सकन। म्यर भितर जि लै छू, भल या नक, समाजै कै देई, समाजै कै भुगत्याई छू। मैल सबै तिर य समाजै बै समेरि रखौ, य वास्ते इकें समाज कें लौटूण म्येरि जिम्मेदारी छू। मै के न रचि सकनूं, केवल ब्रह्मा ज्यू रचि सकनी, जनूं दगाड़ सरस्वती माता रें। मै पारि उनरि कृपा छूं, मै उनूंकै यो संकलन शुरु करण है, और सबूहै पैली दंडवत पैलाण करनूं।

'उघड़ी आंखोक स्वीण' म्यर स्वीणै छन, जो मैल उघड़ी आंखोलै देखि राखी। यानी कि हुंणौ और कि हुंण वै, म्येरि कोशिष रुं कि एक पत्रकारिकै भें, ववे समस्या उठाई जाओ त वीक समाधान लै सुझाई जाओ। बहरहाल, यो संग्रह में जतू लै पाठ छन, उं मैल उ बखत लेखी जब मै नूनतिन्योई बटी जवानिक दौर में जाण लाग रैछियूं। सो मन में प्रकृति और सुंदरताक बारि में जो चित्र छी, या दगाड़ै देश-प्रदेशकै व्यवस्थाओंक खिलाफ जो गुस्स छी, उं आफी-आफी म्यर निकली। और यो कविता रूप में सैद यो वास्ते निकली कि यं म्यर बाबू कवि, लेखक, संपादक श्री दामोदर जोशी 'देवांशु' ज्यूक परसाद छन, जो म्यर पैद हुंण है बै लै पैली इंटर में पढण बखत बटी कविता लेखणई। उनर पैल कुमाउनी कविता संग्रह 'कुदरत' १९६९ में प्रकाशित है गोछी। उनर परसाद और हात म्यर स्वार पारि हमेशा रओ, भगवान थें यै प्रार्थना छू। उनूलै आज म्यर 'आब-आब' कून-कूनै लै यो किताब खुदै छपवै हाली। उनूं दगाड़ आज लै आपण आशीवाद छत्त म्यर स्वार पारि धरी दुसर विश्व युद्धक सेनानी ९९ बरसक बड़बाजू श्री देवी दत्त जोशी, आम श्रीमती पार्वती जोशी और इज स्वर्गीय हेमलता जोशी, जनूंल यो ज्यूनि और हात में कलम दिबेर मकें यो लैक बड़ा, उनूं वास्ते म्यर पास कूणक तें आंखर न्हैतन। आपण भै-बैणी विनय प्रभा, आभा, नितीश, पत्नी बीना, पुत्र वैभव और पुत्री काव्या क प्रति लै मै आभारी छूं, जनर वये न वये रूप में य संकलन कें छपूण में भौत योगदान छू। मैल लै कक्षा-आठ बटी तुकबंदी कविता लेखण शुरु करि हैछी और हाइस्कूल-इंटर (१९८९) बटी म्येरि कविता अल्माड में स्वाधीन प्रजा और हिलांस आदि पत्र-पत्रिकान में छपण लागि ग्येछी। अधिल आंखर पत्रिकाक (लखनऊ, सन् १९९४) संपादक आदरणीय बंशीधर पाठक 'जिज्ञासु' ज्यू और दुदबोलि पत्रिकाक संपादक आदरणीय मथुरादत्त मठपाल ज्यूल (रामनगर, सन् २०००) म्येरि कविताओंकि जो बड़नत करी, वील म्यर उत्साह कें अगास पुजै दे, म्यर कवित्तकै गाड़ कें गंग बपूण में उनर भौतै तुल योगदान छू, जै है मै कल्लै उरिण न है सकनी। मठपाल ज्यूल म्येरि कवितान हूं 'एक नोट' ल्येखि बेर लै मिं पारि इतू लाड खन्यै जस हालौ, कि में धन्यवाद कै बेर उनार उपकार कें कम न करि सकनूं। में यो संग्रहकै भूमिका लेखणक तें एम. बी.राजकीय स्नातकोत्तर महाविद्यालय हल्द्वानि में हिन्दीक एसोसिएट प्रोफेसर डॉ. प्रभा पंत ज्यूक लै दिल बटी आभारी छूं, जनूंल इतू गंभीरताल म्यर य काम पुर्यै दे।

एक और बात मै जरूर बतूण चानूं कि मैल यो कविता करीब १९ साल पैली, ववे हल्द्वानि-नैन्ताल में पढाइ और उत्तराखंड आंदोलनक दौर में तो ववे दिल्ली और नोएडा में इंजीनियरिगकै नौकरीक दौरान

करीब १६-१७ बटी २७ सालैकि उम्र में लेखी हुई छन। लेखण म्यार खून में छी, सो सन् २००० में आपण राज्य बनते ई इंजीनियरिंगिकि 'कमाऊ' नौकरी कें छोड़ि बेर घर 'कुमाऊ' हुं 'भाजि' आयुं कि दूसरोंक किलै, आपणि मिहनतैल आपणै घर सजुंल। यो बात मै यो कारणैल बतूणयूं कि एक त पाठकों कें म्यार कविता खण्णक बखतक म्यार वैचारिक स्तरक पतत चलि जाओ, दूसर यो कि सैद मै आपण दौखक सबूं है युवा कुमाउनी कविन में शामिल हूं । इमें मै आपणि वये बड़नत न माननूं, पर यो बतै बेर नई पीढ़िक युवा कविन थें कूण चानूं कि उं लै हिंदी या अन्य भाषोंक दगाड़ आपणि दुदबोलि कुमाउनी में लै लेखना भल हुंन। आज, मै पत्रकारिता में हूं, और य कूण में लै मकें के शरम न्है कि आज मै कुमाउनी कि, हिंदी में लै कविता न लेखि सकनयूं। सैद यो कारणैल कि आज म्यार भितर यो कविता लेखण्णक जमानौक जस उमाव न्है। आज मै आपण भितरक विचारों कें आपण लेखूं में प्रकट करि दिनुं, फिर कवित्त लेखण्णक तें जस विचारोंक जोश वें, उ न बचन।

यो संग्रह कें छापण में म्येरि कोशिशा सिर्फ इतू छू कि हमैरि दुदबोलि कुमाउनिकि जब लै कौ बात हओ, ववे उकें कमजोर न कौ सकौ। यो संग्रह कुमाउनी भाष-साहित्यक भनार में मणी लै बढोतरी करि सकल, इमें मै आपण सौभाग्य समझुंल। म्यार यो संग्रहैकि ववे कविता में कत्ती कविताक अंश देखीनी, कि नै, यो साहित्यक पांडितै तय कर सकनी, पर म्येरि कोशिशा सिर्फ इतू छू कि मै जो धरती में पैद है रयूं, वीक लिजी आपणि 'औकात', अकलाक मुताबिक ज्यादा है ज्यादा जि दि सकूं, दियूं। आपणि धरती माताक दूध, मूटक कर्ज वूकूण म्यार धरम भै। अधिल, हमैरि कुमाउनी भाष कें, इकें बुलाणी, प्यार करणी युवाओंकि, नई पीढ़िकि और युवा कवि-लेखकोंकि भौत जरवत हू। किलैकि आज कुमाउनी लेखणई कवि, लेखकोंकि परंपरा, उनार काम कें अधिल बणूणी हात चैनी। यो परंपरा उरातार आगे बड़ते रूण चै, योई माता शारदे, दुदबोलि कुमाउनी थें प्रार्थना हू।

ऐल इतुकै, प्रतिक्रियाओंक इंतजार रौल ।

नवीन जोशी 'नवेदु'
ब्यूरो प्रभारी, राष्ट्रीय सहाय, नैनीताल।

संपर्क: 9412037779, 9675155117,

होलि, 28 मार्च, 2013

ईमेल: saharanavinjoshi@gmail.com

भूमिका

कती लै, ववे लै काम-काज किलै नि हो, कविता सुणन और सुणून बरबखत सबूकै भलै लागूँ, पै पत नै कविन कै देखि लोग खार किलै खानी, उनुकै देखि लुकण किलै फै जानी? यौ त भै सोवणी बात, समझणी बात यौ छ, जब हम 'कविता' यौ आँखर कै पडगूँ, सुणगूँ, लेखगूँ या कूँगूँ, त यस लागूँ यौ आँखर स्त्रीलिंग छ, और जब 'काव्य' कूँगूँ, त उ पुल्लिंग जस चितार्इण फै जाँ। कविताक अनारीश्वर जास कल्याणकारी गुणनाक वीलै जब हम उकै मलिये मली चानूँ, त पद्य में हमूँकै उ सब गुण देखीनी जो एक स्थिति में और एक बैग में हुनी, येकै वील कविता कभै बड़बाज्यूक चारि मैवर्युण, देखी, कभै आमैकि चारि हुल्यारि लगूँण जसि चितारी कभै बाबूकि चारि नडवरै, कभै इजैकि चारि डाड हलै, त कभै ह्युनाक घाम जसि निमैलि लागै। मल्लब यौ छ, एक नानि-नानि कविता मै लै एतुक तरण हूँ कि उ, ऊ सब कर सकै, जकै ठुल-ठुल भाषण और किताब लै नि कर सकन। कविता मैसैकि यसि दगडू है, जो हर हाल में आपण दगडूवैकि मदत करै।

कुमाउंणी साहित्य में कविता कूँण-सुणन तब बै है रौ, जब लेखण हूँ नै त कागज छी, नै कलम ओर नै स्याड। हमर खुड आम-बड़बाज्यूक आम-बुबु लै जब औरी खुशि हूँछी, तब गीत गाँछी और जब उनुकै अती उदेख लाग छी, तब लै उँ गीतै गाँछी, उनौर आपण गौ-घरक ईष्टोक नाम लिण में लै अणबणाइए ववे-नै-ववे गीत बण जाँछी। गीत और कविता में के ज्यादा फरक न्हाती, टीनै कै तुम साँवकै भै-बैणी समझो, किलैकि टीनाक आड में बगै त एवकै खूनेकि गंग, उनुकै एवकै बोटाक टी फल या फूल कूँछ भलै, या फाड जे लै कूँछ, जड त एकै हुनेर भै टीनैकी, अगर कविता और गीत कै एवकै गाडक टी किनार समझण, पै लै टीनाकै बीच में बगै एकै भावनाकि गंग।

जब बै 'कुमाउंणी और गढ़वालि भाषा' कै संविधानैकि अठू सूची में जोड़नैकि बात जोर-शोरैल उठण लागी, तब बै वाल-पाल कुँणन में लुकी-भैटी कुमाउंणी साहित्य लेखणी आपणि-आपणि नई-पुराणि पुन्तुरिनल कै खोजि-खाजि, टटवये-टुटकीबेर छपूण फै र्थी। आब जै दुणी कै पत लागनौ, कस-कस स्थितियाँ और बैग छन हमर उत्तराखण्ड में एक-है-एक दिमागदार और लेखण-पढ़नी। कभै-कभै सोच जास पडनी, पत नै आइ जाणै यौ सब काँ दुपना लुकबेर भैरौछी, किलै नि करछी आपणि दुदबोलिक मान-सम्मान। पंजाबि, बंगालि, गुजराति और लै कतुकै भूष बुलाँणनियाक चारि और किलै नि लेखछी उनरि चारि। भल हौ उनौर, जनुल सबुहै पैली यो जागर लगैर आपणि दुदबोलि कै परेम करण सिखा, हुस्काहुस्की इ सई कम-से-कम हम साहित्य लेखणैकि दौड में त लागी गर्याँ देरै में सई अकल त ऐ हम उत्तराखण्डियाँ कै आपणि दुदबोलिकि इज्जत करणैकि। यौ बात अलग छ, आज लै उकें बुलाँण में शरमै लागै हमुकै, तबै त जब ववे पहाड या गौ-घरन बै भ्यार ऊँ, उ हिन्दी बुलैबेर आपण रौब जमूँण देखी। येक कारण यौ छ कि गौ-घर बै आई अनपढ़ या कम पढ़ी-लेखी मैस सोवूँ, अगर मैल ये दगडि कुमाउंणी में बात करि, त यौ मैकै आपूँ है कम समझौल और शहरकै पढ़ी-लेखी मैस सोवूँ, जब मै अंग्रेजी में बात करूँल तब म्येरि ज्यादा इज्जत हवलि। पै, एक बात त पवकी छ, टीनैकै यौ बात याद नि रूँनि कि बोलि या भूषक काम त बस एक मैसक मनेकि बात दुहर मैस जाँणै पुजुँणैक छ।

जसिक रुडिन में जब आमैक बोट फुलूँ उ बखत वीक फूल कै देखि यौस चितार्इ, पत नै आलिबेर कतुक जै आम लागणी छन, पर आखिर में उ बोटम उतुकै आम बची देखीनी जनुनमें हव, बयाव, और डावनैकि मार कै सहन करनैकि तागत है। उसिकै, आज कुमाउंणी में गद्य और पद्य लेखणियाँ ववे कमि न्हैती, उनुन में है कतुक कब जाँणै रूँणी यौ त बखतै बताल। अस्तु...

कुमाउँनिक नई कविन में जो एक नाम आइ जुड़नी छ, उ छ-नवीन जोशी 'नवेदु'। श्रीमती हेमलता और श्री दामोदर जोशी ज्यूनाक सुपुत्र, नवीन ज्यूक जनम त छब्बीस नवम्बर उन्नीस सौ बहतर (२६.११.१९७२) में हो, पर उनुमें 'नवेदु' की जुन्यालि जसि देखीण लगी तब बै-जब यौ कक्षा आठ-नौ में पढ़ी। नाख्खना जब कभै यौ कविता लेख छी, त महापुरुषन पर या देशभक्ति पर लेखछी। लिपि त तब लै देवनागरी इ छी, भाष हिन्दी छी, मल्लब यौ कि ज्यादातर कवि और लेखकनाक चारी इनुल लै कविता लेखणैकि शुरुआत हिन्दी बै इ करी, पछ कुमाउँनी में लेखण लगी। कुमाउँनिक गद्य साहित्यैक किताबनौक सम्पादन करण में लै यौ आपण बाबूकि मददा करनी, आखिर बाबू धौ मिली गुणै त छन, जो आज नवेदु नव सृजन करनी। कुमाउँनी गद्य संग्रह 'गद्यांजलिक' अलावा पत्र-पत्रिकान में लै इनरि रचना प्रकाशित हुनै रुनी । जब यौ 'पॉलिटैवनीक नैनीताल' बै मैकैनिकल इंजीनियरिंग में डिप्लोमा करनौछी, तब लै इनुल आपण कॉलेजैकि स्मारिका में छत्र सम्पादकक रूप में लै काम करौ। ऐल यौ समाचार पत्र 'राष्ट्रीय सहारा' नैनीताल में पत्रकारक रूप में सेवा करनी।

'उघड़ी आखोंक स्वीण' यौ कवितानैकि पुनतुरि नै पुर गढ़व छ, जमै भाव और विचारनाक मोत्यूंल गछीण कतुकै किस्मैकि रंग-बिरंग मत्व भरी छन। जब मैस जवान हूँ उबखत वीक आठ' में अती तराण हूँ और मनस्वाप लै तब उ भौत कुछ करण चाँ और जब नि कर पान तब, ववे त हुलार हूँ बाट लागूँ और ववे उकाव हूँ कविता लेखण लै उकाव हूँ जाँणी एक बाट छ। स्वीण त सबै देखनी ववे सिती में त ववे ब्यूँज में। जो बरबखत बंद आँखन स्वीण देखनी, उँ जाँ छी उती रै जाँनी पै जो स्वीणन कै उघड़ी आँखल देखनी, उनुकै आपण स्वीण पुर करणैक ववे-न-ववे बाट मिली जाँ।

जब कभै कैकै उ करणैक सुबत या बाट नि मिलन, जो उ करण चाँ तब उ आपण या परयाक स्वीणाकै पुर करणैक लिजी, उनरि पीड़ कै कम करणैक लिजि ववे नइये बाट खोजि लीनी। आपण या दुहरैकि मनैकि पीड़, रीस, शिकैत, भगती और पिरेम जास भाव तथा समाजैकि दुर्दासाक लिजी जिम्मवार लोगैकि करतूतन कै उघाड़ि दुणियाक सामणि ल्यूँणाक लिजी, ववे कविता-गीत लेखनी ववे चित्र बणूँणी, ववे पेन्टिंग करण जस ववे लै दुहर बाट कै अपणै लीनी। साँचि त यौ छ नई बाट कै बणूँणी उड लोग छी और आज लै छन, जो दुणी में के करण चाँछी या करण चानी जनुल कभै उघड़ी आँखन ववे स्वीण देखौ, या देखनी। कविता लेखण लै समाज कै मनकस बणूँणैक या समाज में बदलाव ल्यूँणैक एक बाट छ।

यौ कविता संग्रह में समसामयिक विषयन पर कटाक्षौ नै प्रतीक और बिम्ब लै छन। कत्ती-कत्ती दर्शन लै देखी जाँ। उनरि 'लौ', 'पत्त नै', 'रीड़', 'असल दगडू' कविता रैक भल उदाहरण छन। जाँ एक तरप नवेदु ज्यूल 'दुंड', 'तिनाड़' जास प्राकृतिक उपादाणूँ कै कविताक विषय बणै राखौ, वाची दुहरि उज्याणि 'हू आर यू', 'कुन्ब', 'किलै', 'तरक्की', 'हरै गो पिरमू', 'भ्यार द्यो लाग रौ हो', 'मैस अर जनावर', 'अगर', 'परदेस जै बेर' जसि कवितान में मैसनाक मनोविज्ञान लै उघाड राखौ। एतुकै नै, एक पढ़ी-लेखी दिमागदार मैसाक चारि, उ लै समानताक लिजी महिला सशक्तिकरण के जरूरी माननी। तबै त उँ 'तु पलटिये जरूर' कैबेर, चेलि-स्यैणियाँक मन बै गुण्ड, लोफरनौक डर निकाउनैकि बात कूँनी और उनुकै अधिल बढ़नैक बाट बतैबेर उनुधौ आपण तराण पछ्याणन हूँ कूँनी-"तु जे लै पैरि/लागली बाट/घर बै/घर बै इ/लागि जाल गुण्ड/त्यार पछिल...बस त्यार पलटण तलक/और मैकै फर विश्वास छु/तब त्वे में देख्येलि/अनुकै डॉसिकि राणि/काइ माता।"

यमै ववे शक न्हैती कि प्रकृति होओ या हमरि जिन्दगि, रिश्त-नात होओ या खाण-पिण, संतुलन सब जाग जरूरी हूँ। जब-जब घर भितेर या भ्यार संतुलन बिगडूँ तब-तब हमरि पर्यावरण खराब हूँ, घर-परवार और समाजैकि व्यवस्था लै गजबजी जै। 'जड़ उपाड़' में उ कूँनी-"जब बिगडि जाँ/मणी

म्यस/पाँणि लै/डाव बणि/टोणि द्युं/ड्वन कै/खपोरि/लगै द्युं/खल घाम/घाम सुकै द्यु/पात पतेल कि/हुतै बोट कै।”

यौ साचि छ कि संसार कै देखणौक सबनौक आपण-आपण ढंड हूँ, पर ज्यून रूणाक लिजी उमीदैकि सबुन कै जरूरत है। अगर मैस कै ‘उमीद’ नि होओ, त उ आपणि भितेर लिई सॉस कै भ्यार निकाउँण में लै डरन। उ भलीभाँ जाणूँ कि अन्यायक बाद रोज उज्याव हूँ और जुन्यालि रात्क बाद अमूस जरूर ऐं, तबै त उकै आस लाग रै अमूसक बाद ज्यूनिकि-‘रडिल पिछौड़ में/आँचवा मुणि छेपि/रडिल करि दयेलि/फिरि आड लागि/अडवाल भरि/उज्यायि करि दयेलि-ज्यूनि।”

जब लै कैकै मनम पीड़ है, त वीक आँखन बै आँसु च्ची जानी और जब कभै उ जसिक-तसिक आपण आँसुन कै पि लै ल्युँ, तब लै उ मनैमन डाड़ हालनै रूँ। जसिक दौक पाणि धारती कै नवै-धेवेबर वीक धूल-मूट सब साप करि द्युँ और उ हरिपट्ट देखीण फँजै, अगास में लागी बादव जब बरसि जानी त उ लै हल्क हैवेर इत्थै-उत्थै उड़ि जाणी। उसिकै जब मनाक अगास में उदेख्क बादव लाग जानी, तब आँख बै आँसु बरसिबेर वीक मन कै कल्ल पाड़नी। पर, नतेंदु ज्युँक बिचार एहै अलग छन, तबै त उँ ‘डाड़ मारणैल’ कविता में कूनी-

‘कि हुं/डाड मारणैल/जि छु हुणी/उ त ह्वलै/के कम जै कि ह्वल, और लै सकर है सकूँ/फिरि डाड़ किलै/फिरि आँस क्ख/फिरि लै/जि ऊँणई आँस त/समाइबेर धारि लिहओ/कबरखतै-कती/हँसि अलि अती/काम आला।”

‘आँखर’ उनरि एक प्रयोगात्मक कविता छ। यौ छ, कम आँखरन में ज्यादा कूणी। नान्तिनन कै भल लागणी, नाच्छनाकि नर लगूणा और ‘घुघुती, बासूतिकि.....फूम दिलूणी जसि-“भै जा भि मै/के खै ले/यौ दै खा/ए-ट्टि ‘पु लै खा/ ‘छँ पि/‘घ्यु लै खा/धौ कै खा।”

‘आदिम’ कै पढ़िबेर उट्टु गजल कै पढ़नि जसि मिठी-मिठि लागै-“उँच महल में आदिम, कतुक नान जस लागू/कतुक लै लम्ब हो भलै, बान जस लागूँ।”

‘काँ है रै दौड़’ में उलूल आज्क समाजैकि भभरियोयिक जो कथ लेख राखी उकै पढ़बेर लागूँ मैस कै भगवानैल एतुक दिमाण दि खवौ, पै लै उ संसारक भूड़पना ओझी किलै रौ, जो सिद्द-साद्द बाट छन उलूमें किलै नि हिटन? जब सबूकै संसार गाडाक वार बै पारै जाण छ, तब मैसूल यौ भजाभाज किलै लगै खस्ती? अगर मैस दुहरनैकि टाड खैवण है भल आपुकै समावण में लाग जाओ, त वीक मनौक आधू असन्तोष त उसिकै दूर है जल-“सब भाजणई-पड़ि रै भजाभाज/निकड रौ गाज/करण में छन सिंटोई-सिंगार/अगी रौ भितेर भ्यार।”

उसिक त टेलि-बेलि मारणी मैस कैकै भल नि लागन, पै साहित्य में सिद्दी बात है भलि उ बात लागै जो घुमै-फिरैबेर कई जै। सिद्दी बात उतुक असर नि करनि, जतुक बोलिकि मार करै। सैद येकै वील साहित्यकारन कै व्यंग्यात्मक शैली में लेखण अती भल लागूँ। यौ मामुल में ‘उघड़ी आंखोंक स्वीण’ में कती टपकी, काँयी चटैक छन और काँयी फलैक। ‘ब्रह्मा ज्युकि चिन्त’, ‘तु कूँछी’, ‘को छ हम’, ‘अव्यानाक मैस’, ‘इन पिए शराब’, ‘न मर गुण्ड’, ‘फरक’, ‘खबरदार’, ‘पनर अगस्ताक दिन’ जसि कविता, कान्नाक बीच में खिली फूलनैकि जसि औरी भलि देखीनी-

“आज छि छुट्टी/करौ मैल ऐराम/सेइ र्युँ दिनमान भरि/लगा टीबी/क्वे पिक्कर नि उणैछी/बजा रेड्/कै फिल्मी गीत न उणाछी/सब ठौर उणाछी भाषण/दयखण पणी-सुणन पणी/सुण्यौ, भारत माताके जैक नार/करीब सात म्हैण पछां/पैल प्यार/छब्बीस जनवरिक पछां।”

ज्यून रूँणाक लिजी जतुक जरुरी हूँ आडः में खून, उतुकै जरुरी छ पाणि लै। दुणियाँक लिजी जतुक जरुरी छ दिन उतुकै रात लै, पराणिक लिजी जतुक जरुरी हूँ ऐराम, उहै नै कम नै ज्यादा, जरुरी हूँ काम लै। मैसैकि ज्युँनि में पिरेम भावैकि उई जाग छ, जो रेगिस्तान में पाणिकि और ह्यू में घामैकि। इज-बाब, भै-बैणि, दगडू-सुवा सबूक परेम आपण-आपण जाग उतुकै जरुरी छ, जतुक साग में लूँण और खीर में तिनि। जब मैस ज्वान हुण लूँ, तीक नान्छनाक स्वीण लै बुरुँसाक फूलूँक चारि खितखिताट करण फै जानी। नान्छना आमैकि रज-रणिक कथैकि रजैकि च्येलि, **‘किरन परि’** बणि तीक मनम कुतकाइ लगूँण लूँ और उ करण लूँ **‘स्वीणैक कवीड़’**।

जापानिक **‘हाइकू’** हिन्दी में इ नै, अब कुमाउँनी में लै खूब देखीण-सुणीण फै म्यी। अगर म्येरि जानकारि सई छ, त कुमाउँनी में हाइकू लेखणैकि शुरुआत सबुहै पैली ज्ञान पंत ज्यूल अस्सीक दशक में करि हल छी, पछा उनरि किताब **‘कणिक’** नामैल छापिणी। हाइकू लेखणैक प्रयोग नवेंदु ज्यूल लै करि र्खौ-“**बंण बै बाग/शहर बै मैस्योलि/हरै म्ये आज।**”

आखिर में, मै नवेंदु कै उनरि रचनात्मक समाजसेवा क लिजी बधाई दिनुँ। **‘उघड़ी आंखोंक स्वीण’** उनार देखी र्युँणा कै पुर करैलि, यौ संग्रह में नवीन जोशि ज्यूल आपणि कवितान कै एकबट्या र्खौ। मकै पुर विश्वास छ, उघड़ी आखूँक स्वीण पढ़नियाँकै नवेंदुकि ज्युनि, जुन्यालि रात जसि अडाव हालड़ी लगलि।

डॉ. प्रभा पंत

एसो. प्रोफेसर, हिन्दी

एम.बी.रा.स्ना.महाविद्यालय, हल्द्वानी

शुभकांक्षा के दो शब्द

‘उघड़ी आंखोंक स्वीण’ नवीन जोशी ‘नवेंदु’ द्वारा आंचलिक भाषा कुमाउनी में लिखा गया काव्य संकलन है। यह कवि का प्रथम कुमाउनी कविता संग्रह है। जो उसके एक स्वप्न की परिणति है। इससे पूर्व कवि की रचनाएँ छिटपुट रूप में पत्र-पत्रिकाओं सहित डॉडा कॉठा स्वर (काव्य संग्रह, ऑखर तथा दुदबोली आदि में प्रकाशित होकर कुमाउनी साहित्य की थाती बन चुकी हैं।

कवि ‘नवेंदु’ ने स्वयं संघर्षमय अतीत देखा है। जीवन की जटिलताओं-विषमताओं और विद्रूपताओं से वे स्वयं दो-चार होकर आगे बढ़े हैं। भाषा प्रेम बचपन से रहा। आंचलिक भाषा को अपने उद्गम में ही उपेक्षित होते हुए देखा। जब पहाड़ी बोलने वालों को लोग ‘गंवार’ तक कह देने में नहीं चूकते थे। ऐसी विपरीत परिस्थिति में भी कवि ने माता-पिता और समाज रूपी पाठशाला से कुमाउनी भाषा रूपी अमृत को अपने मन के कलश में भर लिया और उसे ही जन कल्याणार्थ व भाषा विकासार्थ लेखनी द्वारा अपनी अभिव्यक्ति का माध्यम बनाया।

उघड़ी आंखोंक स्वीण’ से तात्पर्य आंखों देखा यथार्थ है। कवि वास्तविकता के धारातल पर विश्वास करता है अतः उसकी कविता में कल्पना की उड़ान नहीं है। फूहड़ हारस्य, अतिशयोक्तिपूर्ण अथवा अतिरंजित वर्णनों द्वारा वह वाहवाही नहीं लूटना चाहता। शृंगारिक दृश्यों के चित्रण से भी उसको ज्यादा लगाव नहीं है। शब्दों का ढकोसला उसे प्रिय नहीं। अतः उसकी कविता का प्रत्येक शब्द विस्तार लेने की क्षमता रखता है। वह आदर्श का नहीं यथार्थ का पक्षपाती है, और शाश्वत मूल्यों के प्रति प्रतिबन्ध है। सत-असत की विवेचना किये बिना वह भावना के ज्वार में बहने वाला नहीं है। उसकी भाषा जनभाषा की कसौटी पर रखी उतरती है और जन-जन की समस्याओं को प्रतिबिम्बित करती है। स्पष्ट है उसमें जनभाषा की सहजता, स्वाभाविकता, अल्हड़पन और अनगढ़ता विद्यमान है।

कवि मानव के द्वारा खुली आंखों से देखे गये स्वप्न को साकार होना देखना चाहता है। इसके लिए वह दृढ़ संकल्प शक्ति, कठोर परिश्रम और अध्यवसाय को ब्रह्मास्त्र के रूप में प्रयोग करने की युक्ति बताता है। कवि की कविता में आमजन की व्यथा मुखरित होती है जो कवि को जनकवि होने के अभिधान के निकट ला खड़ा करती है। उसकी कविता बायवी न होकर जाग्रत और उतिष्ठित जीवन का सन्देश देती है।

कवि का मानना है कि आज आदमी कहीं खो गया है। इतनी भीड़ में भी वह पहचाना नहीं जा रहा। यहाँ वह नहीं उसकी छया चल रही है। हिन्दू चल रहा है, मुसलमान चल रहा है, सिक्ख और ईसाई आदि रूपों में उसकी पहचान है। कबीर और गांधी कहीं दृश्यमान नहीं हो रहे हैं। नवेंदु का संग्रह मनुष्य को मनुष्य बनने का सन्देश देता है। वस्तुतः कविता संग्रह चरम शिखर पर पहुँच गये भ्रष्टाचार, कदाचार प्रदूषण, क्षेत्रवाद और आतंकवाद आदि के विरुद्ध शंखनाद है। कवि आशान्वित है कि यह भेदभाव और जड़ता का कोहरा जल्दी हट छंट जायेगा। सद्बुद्धि का सबेरा जल्दी प्रकट होकर मानव के मोह व स्वार्थ के संसार को अपनी किरणों की तलवार से छिन्न-भिन्न कर देगा। भारत का गौरव पुनः लौट आयेगा। भाषा के साथ विलुप्त हो रही अपनी संस्कृति भी पुनः फूलने-फलने लगेगी।

नवीन जोशी ‘नवेंदु’ अपनी माटी से जुड़े युवा व उत्साही साहित्यकार हैं। उनकी रचनाओं में मानवीय संवेदनाओं का असली स्वर छिपा है। समाज की पहचान छिपी है और छिपी है गरीब, बेरोजगार, भ्रमित, श्रमिन्त वर्ग की पीड़ा की प्रतिध्वनि। साहित्य के नव हस्ताक्षरों के लिए उनका रचना संसार एक दृष्टान्त है। उनकी प्रतिभा सतत् विकसित होती रहे और उनका भविष्य उज्ज्वल हो। इसी शुभकामना के साथ !

महाशिवरात्रि, १० मार्च २०१३

-दामोदर जोशी ‘देवांशु’ सम्पादक-गद्यांजलि
(पूर्व प्रधानाचार्य)

नवेंदु की कविता : एक नोट

कुमाउनी के युवा कवि नवीन जोशी 'नवेंदु' और उनकी कविता से मेरा पिछले अनेक वर्षों से परिचय रहा है। उनकी कविताओं की विषय-वस्तु का स्पान बहुत विस्तृत है, जिसमें दैनिक जीवन की साधारण वस्तुओं से लेकर गहनतम मानवीय अनुभूतियां सम्मिलित हैं। वे बिना लाग-लपेट के अपनी बात कहने में समर्थ हैं। अनेक स्थानों पर भावों की उंची उड़ान भरने पर भी उनकी कविता अपनी सहजता-सरलता का त्याग नहीं करती। वे सरलतम शब्दों में मन के गहनतम भावों को प्रकट करने में समर्थ हैं। उनकी यही सामर्थ्य उन्हें अपनी उम्र से कहीं अधिक तक पेंठ करने वाले एक सशक्त रचनाकार का रूप देती है। वे कोरी लफाजी नहीं करते। वरन, उन्हें जो कुछ कहना होता है, उसे वे ठोक-बजाकर, और अनेक स्थलों पर ताल ठोक कर भी सरलतम शब्दों में पाठकों के आगे प्रस्तुत कर देते हैं।

मानवों के बीच के आपसी रिश्ते ठण्डे पड़ चुके हैं, और हर इन्सान जैसे इन्हीं ठण्डे रिश्तों को अपनी नियति के रूप में स्वीकार कर दुबका हुआ है। अपने बाहर वह एक सुरक्षा खोल सा ओढ कर दुबका हुआ है, और इसी में वह अपनी सुरक्षा समझ रहा है।

म्येसी गई मैस/ बारमासी / अरड़ी रिश्त-नातनाक अरड़ में/ इकलै बिराउक चार/ चुलूक गल्यूटन में लै - अरड़

मानव केवल स्वप्न बुन रहा है। करने का सामर्थ्य होते हुए भी वह एक विचित्र प्रकार की तामसिक वृत्ति से घिरा है।

आफी बांदी खुद खोलंग, दुसरों कें चांगई/बिन के पकाइयै, लगड़-पुरि चांगई । - सब्बै अगाश हुं जांगई

समय बहुत बलवान है। समय के साथ बहुत कुछ बदल जाता है। लड़ाई भी। शत्रु पक्ष बदल जाता है, लड़ाई का कारण, उसकी तकनीक, उसका उद्देश्य सब कुछ बदल जाता है-

लड़ै- बेई तलक छी बिदेशियों दगै / आज हु पड़ोसियों दगै /भो हुं ह्वेलि घर भितेरियों दगै।

कवि के पास एक उत्कृष्ट जिजीविषा है, जिसके दर्शन हमें उसकी अनेक कविताओं में होते हैं। उसका मानना है कि घोर संकट के क्षणों में भी हमें उम्मीद नहीं छोड़नी चाहिए-

पर एक चीज/ जो कदिनै लै/ न निमडणि चैनि/ जो रूंग चै/ हमेशा जिंदि/ उ हू-उमीद/ किलै की-/ जतू सांचि हू/ रात हुंग/ उतुकै सांचि हू/ रात ब्यांग लै। - उमीद

'सिणुक' शीर्षक कविता में कवि एक सिणुक (तिनके) के भी अति शक्तिशाली हो सने के तथ्य को रेखांकित करता है-

जो कान/ सच्चाइ न सुणन/ फोड़ि सकूं/ जो आंख/ बरोबर न देखन/ खोचि सकूं/ जो दाड़/ भलि बात न बुलान/ उं दाड़न ल्वयै सकूं।

मानवीय सामर्थ्य के बौनेपर का अहसास कराने वाली कविता 'ज्युनि', जिसमें गजल की रवानी है-मुझे बहुत अच्छी लगी-

कूणक तै ज्यून, ज्युं हर आदिम।/ सांचि कौ कूण-ज्यून बोकण जस लागूं/ उ ठेठर जो डाड़ मारि बेर
सबूं कै हंसूं / म्यार आंखक पाणि में वी आदिम जस लागूं।

समाज का एक बड़ा वर्ग सर्वहारा वर्ग का है। वह एक तिनके की तरह कमजोर-निरीह-अल्पसंतोषी,
आत्मसंतोषी है-

तिनाड़न कै कि वै ?/ के खास धार्ति नै/ के खास अगास नै/ के मिलौ/ नि मिलौ/ उं रूनी ज्यून/ किलै,
कसी ?/ बाणि पड़ि न्येई ज्यून रूणक -तिनाड़

'भैम' कविता में कवि का संदेश बहुत स्पष्ट है। दशहरे में फूंक जाने वाला रावण तो मात्र एक बहम है।
फूंक सकते हो तो-

मेरि मानछ/ न बणाओ/ न भइयाओ मरी रावण/ जब तुल-तुल रावण छन जिन्द दुनी में/ करि सकछ/
उनन कें धारो चौबटी में/ उनुं कै भइयाओ/ खाल्लि/ भैम भइयै बेर कि फैंद ?

मनुष्य को मुंह तो खोलना ही होगा। आपाधापी और अनिश्चितता की आज की परिस्थितियों में यह और
भी अधिक आवश्यक हो चला है। 'कओ' कविता में कवि आहवाहन करता है-

कओ,/ जोर-जोरैल कओ/ जि लै कूण छू/ पुर मनचितैल कओ/ तुमि चुप न रओ/ निडर-निडरक है बेर/
अपण-पर्या भुलि बेर/ पुर जोरैल/ हकाहाक करो।

आशा का स्वर-

हवल उज्याव, अर ए दिन जरुडै हवल/ मिं जानूं-तैसि न सकीणी ववे रातै न्हें -हमर गौं में

'उघड़ी आंखोंक स्वीण' कविता, जिस पर इस काव्य संकलन को नाम दिया गया है, आशावाद की एक
श्रेष्ठ कविता है, इसकी एक अन्तिका देखें-

छजूणई ईजूक थान कै/ बाबुक पूर्व जनमूक दान कै/ झाड़णई झाड़/ छंटणई गर्द/ समावणई पुरुखनैकि
थाति/ चढूणई फूल-पाति/ दिणई आपणि बड़/ हरण हुं दुसरोंकि टीस-पीड़/ रातूक धुप्प अन्यार में/ मिं लै
देखणसूं-उघड़ी आंखोंक स्वीण।

जीवन क्या है ? विषम परिस्थितियों में भी जी जाना ही तो-

चिफ़व सिमार बाट में लै, दौड़ छु ज्यून - ज्यून

फिरि लै-/ जि ऊणई आंस त/ समूड बेर धारि लिहओ/ कभतै कत्ती/ हंसि आली अत्ती/ काम आल - डाड़
मारणैल

कवि ने छन्द-मुक्त कविता, गीत, गजल, क्षणिकार्यों, हाइकू आदि विविधा रचना -शैलियों पर सार्थक रूप
से अपनी लेखनी चलाई है। अनेक स्थलों पर बिम्बों और प्रतीकों का सहारा लिया है। अनेक अलंकार
कवि की रचना में स्वतः आ गए हैं। कवि के पास एक समृद्ध कुमाउनी भाषा है। निम्न शब्द प्रचलन से
हटते जा रहे हैं-

गल्लूट, घ्यामड, उदंकार, असक, एकमही, अदबिथर, कट्ठर, कुमर, भुड़, पांजव जैसे ठेठ ग्रामीण कुमाउनी शब्दों का व्यापक और सही स्थान पर प्रयोग हुआ है। अनेक स्थलों पर मुहावरों, लोकोवितयों का सटीक प्रयोग हुआ है, यथा-किरमोई बर्यात, गुई जिब्ड, ब्याखुलिक स्योव, चोर मार, मरी पितर भात खवै, सतझड़ि करण, आंखन जाव लागण आदि।

नवेंदु जी को अपनी तरुणावस्था तक अपने जन्म स्थान कपकोट क्षेत्र के ग्रामीण परिवेश में रहने का अवसर मिला है। किसी भी भाषा को सीखने के लिए यही सर्वोत्तम आयु होती है। आगे चल कर कपकोट के बाहर भी उनको कुमाउनी परिवेश मिला। उनकी समृ कुमाउनी का यही रहस्य है, जो आज की युवा पीढ़ी में कम ही दिखाई दे रहा है। फिर घर के भीतर उन्हें अपने रचनाकार पिता का सानिध्य मिलता रहा, जिससे रचनाशीलता के लिए ललक और सामर्थ्य का निरन्तर विकास होता चला गया। उनके पिता श्री दामोदर जोशी 'देवांशु' हिंदी और कुमाउनी के एक सशक्त रचनाकार/ कवि हैं। स्वयं के लेखन और प्रकाशन के अतिरिक्त उन्होंने कुमाउनी रचनाधर्मियों के एकांकी, निबंधा, कहानी आदि संग्रहों का समय-समय पर सम्पादन/प्रकाशन और कुमाउनी भाषा को आगे बढ़ाने में भारी सहायता की है। मेरी तो यही कामना है कि नवेंदु जी साहित्य के क्षेत्र में अपने यशस्वी पिता से कहीं आगे निकलें, क्योंकि 'पुत्रत शिष्यात् पराजयमम्'-यानी पुत्र और शिष्य से तो पराजय की ही कामना करनी चाहिए। अलमतिविस्तरेण।

-मथुरा दत्त मठपाल

महाशिवरात्रि पर्व,

सम्पादक-दुदबोलि (कुमाउनी वार्षिक पत्रिका)

१० मार्च २०१३ ई.

पम्पापुर, रामनगर, नैनीताल जनपद।

इजा !

इजा!
झिट घणिक तै
ए घणि कै तै सई
म्यार सामुणि, मूँथि-मुणि
अधिल-पछिल
हर तरफ बै
मकै च्यापी-छेरी
अन्यासक गाज कै
अत्याचारक राज कै
जुलम-जबरदस्ती
अर डर कै भजै
सुफल कर म्यार काज कै।

इजा !
झिट घणिक तै
करि दे मकै निडर
निझरक-बेफिकर
बेखबर है बेर
मिं दयखंण चांणसूं
स्तीण,
उघड़ी आंखौक स्तीण!
अगाश में उड़णी स्तीण
बेअधार स्तीण
पर निश्चित स्तीण
जनुं पारि
बेफिकर हूँ
मिं दि सकनुं टेक
विणि सकनुं मजबूत भिड़
लगै बेर ठडार
पुजि सकनुं लगिलौ न्यात
जरुडै-स्तीणौ पारि।

कि ल्येखूं

कि दि सकूं मिं
कै कै लै?
वी,
जि
मकै मिलि रै
दुनी बै ।

कि सुणै सकूं मिं
कै कै लै?
वी,
जि
पढ़ि-सुणि-गुणि
रखौ रै बै ।

कि ल्येखि सकूं मिं
त्वे हुं?
वी,
जि
त्वील, कि कैलै
कती-कबखतै
कौ हुनलै
कि ल्यख हुनल
जरुडै ।

अतर-
काँ बै ल्यूल मिं
के, तुकै दिण हुं
के सुणल तुकै नई?
के ल्यखुल त्वे हुं
अलगै
य दुनी है !
मिं, के
परमेश्वर जै कि भयूं ।

अट्यान....

अट्यान
मकै लागणौ-
म्यार भितर
बरसन वै भैटी
जुग-जुगनाक
दयौ-दय्यात्त, परमेश्वर
उनार कई-सुणी
बचन-आंखर,
बिश्वासैकि
तागत-सबत,
सगीण लागि रैऋ
अर
जोर-जबरदस्तील
नां-नां कूनै
धमकूनै-लत्यूनै
मिं कै निगवाव-गुसैक समझि
भबर्यूण-कुकर्यूण
लुटंण, धरम भ्रष्ट करंण हुं
पाजीण लागि ग्येई, खम्म कै
म्यार भितर-निमखंण
जबरदस्तीक जा पौण-धो टरकूंण
झुट, बेडमान, अलच्छणि
रकस!

अट्यान
मकै लागणौ
य मैलि हौ
मकै उडै दय्यौल
य कचुव पांणि
मकै बगै दय्यौल
पर,
मिं, फिर लै
आपंण विश्वासौक् दि
निमांण नि द्यूंल
आस्यौक खाम
उखड़ण नि द्यूंल
मकै विश्वास छु।
किलैकी-मिं,
दयेखि सकनूं

स्वीण
अर स्वीण दयखण्क तै
अर स्वीण टुटंग पारि
जसि तागत चै
हरेक में नि हुनि
मिं में छै।

Thank You for previewing this eBook

You can read the full version of this eBook in different formats:

- HTML (Free /Available to everyone)
- PDF / TXT (Available to V.I.P. members. Free Standard members can access up to 5 PDF/TXT eBooks per month each month)
- Epub & Mobipocket (Exclusive to V.I.P. members)

To download this full book, simply select the format you desire below

